



Եկեք ինձի, բույր յոգևած ու բեռնատրուածներ...

Մարտի 11.28

ԲԱՐԻԼՈՒՄ

*Օգոստոս, 2019թ.
№8 (114)*



Հոգի էլ փեխում 2009թ. Զափարյ

ԵՐԵՔ ՊԱՐՏԵԶՆԵՐ

**ԱՍՏԾՈՒ ՎԿԱՅՈՒԹՅՈՒՆՆ ՈՒ
ՄԱՐԴԿԱՆՅ ՎԿԱՅՈՒԹՅՈՒՆԸ**

**ԵԿԵՔ ԲՆՆԵՆՔ ԳՐՔԵՐԸ
ԵՎ ԱՂՈԹԵՆՔ**

ՄԱՆՐԱՊԱՏՈՒՄՆԵՐ



**ԲԱՐԻ
ԼՈՒՐ**

ԱՄՍԱԳԻՐ

Լույս է տեսնում 2009թ. մայիսից

Օգոստոս, 2019թ. ՁՆ8(114)

ԱՅՍ ՀԱՄԱՐՈՒՄ ԿԱՐԴԱՅԵՔ

Երեք պարտեզներ.....	1
Հրայր Ամիրբեկյան Աստծու վկայությունն ու մարդկանց վկայությունը.....	3
Եկեք քննենք գրքերը և աղոթենք.....	5
Նա եղել է այնպիսին, ինչպիսին հիմա մենք ենք.....	7
Իմ հայրն անպայման զալու է մեր հետևից.....	8
Դուք սխալ խոսքեր էիք ասում.....	10
Ջայրացած կինը.....	11

Միտելի՝ ընթերցողներ, խնդրում ենք աղոթել, որ բերքի միջոցով տարածվի Ավետարանի Բարի Լույսն ու ցանկեն ճշմարտության սերմերը, որպեսզի մարդիկ դառնան Աստծուն և հավիտենական կյանք ունենան:

Միտելի՝ ընթերցողներ, խնդրում ենք ձեր դիտողությունները, առաջարկությունները, նվիրատվությունները ուղարկել խմբագրություն: Մենք սիրով հաշվի կառնենք ձեր արձագանքները: Հեռ.՝ 093-532-526, 093-954-930

ԵՐԵՔ ՊԱՐՏԵԶՆԵՐ

Եղեմի պարտեզը, որ դրախտ էր կոչվում (Ծննդ. 2:15-17)



Այդ պարտեզում Ադամի համար անհրաժեշտ ամեն ինչ կար։ Նրա կողքին աշխարհի ամենագեղեցիկ կիներ էր՝ Եվան։ Գլխավորն այն էր, որ մարդն Աստծու հետ ուներ անմիջական հաղորդակցություն ու չգիտեր, թե ինչ է մեղքը։ Ադամը միայն հնազանդության մեջ պետք է փորձվեր։ Նա չդիմացավ այդ փորձությանը և անհնազանդության պատճառով արտրվեց դրախտից՝ զրկվելով Աստծու հետ հաղորդակցությունից։


Գեթսեմանի պարտեզ (Մատթ. 26:36-42)

Առաջին Ադամը փորձվեց Եղեմի պարտեզում, որտեղ ամեն ինչ հիա-

սքանչ էր։ Երկրորդ Ադամը՝ Քրիստոսը ևս փորձվեց, միայն թե Գեթսեմանի պարտեզում, որտեղ մեղքն ու չարն էին թագավորում։ Թե՛ Ադամը, թե՛ Քրիստոսը փորձվում էին Աստծու կամքին հնազանդվելու մեջ։

Առաջին պարտեզում Ադամը կորցրեց, իսկ երկրորդում Քրիստոսը ետ վերադարձրեց փրկությունը։ Փրկությունը ձեռք բերվեց Գողգոթայում, բայց եթե չլիներ Գեթսեմանին, ապա չէր լինի և Գողգոթան։ Գողգոթայում Քրիստոսի արյունը հոսում էր վերքերից, իսկ Գեթսեմանիում արյունը կաթում էր քրտինքի հետ։ Դա ծանր փորձություն էր, բայց Քրիստոսն ասաց. «Թող Զո կամքը լինի»։

Գեթսեմանին յուրաքանչյուր քրիստոնյայի կյանքի որոշիչ կետն է։



Պատկերա ռ 2019թ. ՓՆ 8 (114)

Դեպի երկինք տանող ճանապարհն ամեն մեկի համար անցնում է Գողգոթայով, բայց Գեթսեմանիում պետք է կայացնել որոշումը. «Ինչ էլ որ լինի՝ հետևել Քրիստոսին, կատարել Նրա կամքը»:

Առաջին Ադամն առանց մեղքի էր, բայց ճաշակելով մեղքը՝ ժառանգեց մահը:

Երկրորդ Ադամը՝ Քրիստոսը, մեղք չգործեց, բայց ճաշակեց մահը, որպեսզի Իրենով հայտնվեր հավիտենական կյանքը:

Մեղքը մարդուն բաժանեց Աստծուց: Ամենամեծ մեղքը Աստծու Որդուն չհավատալն է ու Նրա փրկչական շնորհը մերժելը: Մեղքի նկատմամբ հաղթանակը Աստծու կամքի կատարումն է՝ Քրիստոսին հավատալու ճանապարհով:

Հովսեփ Արիամաթցու պարտեզը (Հովհ. 19:41)



Այս պարտեզում Հիսուսին թաղեցին, և այս պարտեզում էլ Նա հարություն առավ: Այստեղ հարությունից հետո Նա առաջին անգամ հանդիպեց

Մարիամի հետ (Հովհ. 20:11-17): Երրորդ պարտեզը քո անձնական հանդիպումն է հարություն առած Քրիստոսի հետ:

Այսպիսով՝

Առաջին պարտեզում մարդը կորցրեց հաղորդակցությունն Աստծու հետ:

Երկրորդ պարտեզում Քրիստոսով փրկություն ձեռք բերեց:

Երրորդ պարտեզը մարդու անձնական հանդիպումն է Քրիստոսի հետ:

Մարդիկ ասում են, թե Աստված չկա, որովհետև հանդիպում չեն ունեցել Նրան հետ:

Ամեն ինչ կյանքում ճանաչվում է գոյություն ունեցող օրենքների միջոցով: Տեսանելին ճանաչվում է տեսողության միջոցով, ձայները՝ լսողության, բուրմունքը՝ հոտառության, որակը՝ շոշափելիքով և այլն: Աստծուն ճանաչում ենք հավատքով, իսկ հավատքը ծնվում է Աստծու Խոսքից՝ Ավետարանի միջոցով, որը Երկինք տանող բաց դուռն է: Նրա միջոցով կարելի է գնալ Աստծուն:

Այսօր դեպի երրորդ պարտեզ տանող դուռը բոլորի համար բաց է: Այնտեղ հարուցյալ Քրիստոսն է: Դա Քրիստոսի Եկեղեցին է, որտեղ դու կտեսնես Նրան: Նա կխոսի քեզ հետ: Արի՛ Քրիստոսին այնպես, ինչպես որ կաս: Նրան հանձնի՛ր քո կամքը, թող Նա այն դնի Աստծու Խոսքի հսկողության տակ, և դու կտեսնես, թե որքան բարի է Աստված:

ԱՍՏԾՈՒ ՎԿԱՅՈՒԹՅՈՒՆՆ ՈՒ ՄԱՐԴԿԱՆՑ ՎԿԱՅՈՒԹՅՈՒՆԸ

Շարունակություն (սկիզբը՝ նախորդ համարում)

Եթե մարդն այդ հաղորդակցությունը կորցրել է կամ զգում է դրա պակասը, իր ամբողջ ուշադրությունը կենտրոնացնում է դրա վրա, քանի որ հավատում է, որ կյանքը միայն դրա մեջ է: Իսկ եթե մարդը չի հավատում, որ կյանքն Աստծու մեջ է, Աստված նրա համար ընդամենը մի գործություն է, որ պետք է իր հասկացած կյանքի խնդիրները լուծի: Այդ մարդուց ոչ մի հույս չկա, և նրան ինչ-որ բան հասկացնելն անհնար է:

Սիրելիներ, պարզվում է, որ մարդուն հաճելի է օրենք խախտելը: Մարդու ամենամեծ պատիժն այն է, որ նա ոչ մի բանով չկարողանա ընդգծվել ու արտահայտել իր հպարտությունը: Եթե օրենքը նրա վրայից վերցնես, այդ ժամանակ նա ոչ մի բան չի ունենա խախտելու, ոչ մի բանով չի կարողանա ընդգծվել, և սա մարդու համար հոգու մեծ ցավ է: Եթե մարդը հոգեպես հեռու է Աստծուց, մեղք գործելը դառնում է հոգու դատարկության դաժան ցավը մեղմացնելու թմրանյութ: Եթե հանկարծ երեխան ընկնում է ու ոսկո-

րը ճաքում, նա անդադար ճչում ու գոռում է, բայց երբ նրան ցավազրկում են, նա անմիջապես հանգստանում ու սկսում է ուրախանալ, ժպտալ, բայց նա դեռ չի բժշկվել, ուղղակի ժամանակավորապես ցավը հանգստացել է:

Այժմ տեսնենք, թե ինչ է ասում Սուրբ Գիրքը. «Առանց օրենքի մեղքը մեռած է» (Հռ. 7:8): Եթե օրենք չկա, դա չի նշանակում, որ մեղք չկա. մեղքը կա՛, բայց մեղքը մեղք չի սեպվում: Աստծու Խոսքն ասում է, որ եթե օրենքը չասեր «մի՛ ցանկացիր», ապա չէինք իմանա, թե ինչ է ցանկությունը: Այժմ արևմուտքում կարծես բոլոր օրենքները մարդկանց վրայից հանում են՝ իբրև թե տանելով ազատության: Նրանք մարդուն բերում են այն վիճակի, որ հոգու ճնշումից պետք է ռռնա, սակայն ոչ մի «ցավազրկող» չի լինելու արդեն: Երբ մարդը իբրև թե գնում է ազատության, նրա վրայից հանվում են բոլոր կարգի օրենքները, նրան թվում է, թե դա հենց իր հասկացած դրախտն է, բայց երբ նրա հոգեբանությունը վարժվում է օրենքը խախտելուն, այդ ժամանակ օրենքի խախտումը նրան հոգեբանորեն ոչ մի

© Գրական 2019թ., © N 8 (114)

բավարարվածություն այլևս չի բերում: Նա այդ ժամանակ գտնվում է Աստծուց շատ հեռու, և «ցավագրկող» ոչ մի դեղ էլ չկա: Տեսե՛ք, թե ինչով է սատանան խաբում մարդուն:

Մովսեսը նախընտրեց Քրիստոսի նախատիները, քան մեղքի ժամանակավոր զվարճությունը վայելելը: Սիրելիներ, անժամանակ զվարճություն գոյություն չունի: Երբ մարդը խախտում է բոլոր տեսակի օրենքները և այլևս ոչինչ չկա խախտելու, նրա հոգեբանությունը հայտնվում է Աստծուց հեռու վիճակի մեջ, և հետո նա հասկանում է, թե ինչքան դառը բան է Տեր Աստծուց հեռու լինելը: Մարդն առանց Աստծու անընդհատ տառապում է իր հոգին ինչ-որ բանով կշտացնելու մոլուցքով, և երբ հերթական անգամ ձանձրանում է այդ ամենից, նրան պատում է հոգու դատարկության ցավը, որը բուժվում է միայն Քրիստոս-կյանքի մեջ ապրելով: Մարդու վերքը պետք է ոչ թե ցավագրկել, այլ բուժել և առողջացնել: Աստծու Խոսքը մեզ սովորեցնում և ցույց է տալիս ելքը. «Անոր վերքերովը մենք բժշկվեցանք, և մեր խաղաղության պատիժը Անոր վրա եղավ»: Իսկ մեղքի ժամանակավոր զվարճությունը հենց այդ ժամանակավոր դեղն է, ժամանակավոր ցավագրկողը, իսկ իրական հոգևոր բժշկությունը այն է, որ մարդը, հաղորդ լինելով Աստծու սիրուն, իրեն մենակ չի

զգում, այլ վայելում է Աստծու քաղցր ներկայությունը, և դա նրա հոգու միակ բժշկությունն է, նրա հոգին ոչ թե ցավագրկվում է, այլ բժշկվում: Մարդու հոգևոր աշխարհում պետք է տեղի ունենա հավատքի հեղաշրջում, մարդը պետք է դադարի հավատալ մարդկանց վկայությանը: Դա այն է, երբ մարդը հավատում է, որ իր մարդկային կյանքի պրոբլեմները լուծվելուց հետո ինքը երջանիկ կլինի: Ամեն մի մարդ պետք է անի իր ընտրությունը, կա՛մ պետք է հավատա ու ընտրի Աստծու Խոսքը որպես կյանք, այսինքն՝ հավատա Աստծու վկայությանը, կա՛մ էլ պետք է հավատա մարդկանց վկայությանը: Եվ մենք պետք է անդադար փառք տանք Աստծուն, Նա մեր աչքերը լուսավորել է, որպեսզի մենք ընտրենք իրական Կյանքը՝ մեր Տեր Աստծուն: Եվ մարդու հոգու խորքում պետք է տեղի ունենա այդ լուրջ դարձը, գիտակցումը, որ կյանքը մարդկային հարաբերությունների մեջ չի, Կյանքը երկնքից իջած Հացն է, Աստծու Սերն է: Եվ դա ամենասուրբ հավատքն է, որին մենք ամեն օր ասում ենք մեր «այո»-ն և մեր սրտի դուռն ենք բացում Հիսուսի առաջ, որպեսզի Նա որպես Փառաց Թագավոր ներս մտնի և մեզ հետ ընթրիք անի, և մենք հավիտյան Նրա սերը վայելենք: Ամեն:

Հրայր Ամիրբեկյան

Ե Կ Ե՛Ք Ք Ն Ն Ե Ն Ք Գ Ր Ք Ե Ր Ը Ե Վ Ա Ղ Ո Թ Ե Ն Ք



Սիրելիներ, մենք ապրում ենք վերջին ժամանակներում: Մեղքը գնալով ավելի ու ավելի է ծանրանում երկրագնդի վրա: Անցնում է հունձքի ժամանակը, դեռ շատ հոգիներ կան, որ փրկված չեն ու տառապում են մեղքի ու մահվան գերության մեջ: Երկրագնդի բնակչությունը վախի ու տագնապի մեջ է, բոլորը սպասում են, թե ինչ է լինելու հետո: Այստեղ տեղին է հիշել Երեմիայի մարգարեության 9:21 խոսքը, որտեղ ասվում է. «Վասնզի մահը մեր պատուհաններեն բարձրացաւ, մեր պալատները մտաւ, որպէսզի փողոցներեն երեխաները բնաջնջէ, ու հրապարակներեն՝ երիտասարդները»:

Անհայտության ու քաոսի մեջ գտնվելով՝ մարդիկ չգիտեն, թե ինչ նոր անակնկալներ կարող է լինել վաղը կամ մյուս օրը: Շատ անհավատներ քրիստոնյաներին են հարցնում, թե ինչ է լինելու ու ինչ է սպասվում մոտ ժամանակներում: Հասկանալի է, թե որքան կարևոր է, որ այսօր եկեղեցիները և ամեն մի քրիստոնյա ունենա Աստծուց ուղարկված խոսքը՝ շտկելու ի-

րենց ճանապարհներն ու վերականգնելու Աստծու հետ ունեցած հաղորդակցությունը: «Իսաքարի որդիներէն երկու հարիւր իմաստուն իշխաններ, որոնք ժամանակներուն համեմատ գիտէին, թէ Իսրայել ի՛նչ ընելու է, ու անոնց բոլոր եղբայրները անոնց բերանը կը նայէին» (Ա Մնաց.12:32): Սակայն այսօր շատ քիչ է, կամ էլ գրեթե բացակայում է Աստծու կողմից ուղարկված խոսքը եկեղեցիներին: Պատճառն այն է, որ նրանք չեն փնտրում կենդանի հաղորդակցություն Աստծու հետ: Բայց Տերը, լինելով հոգատար Աստված, հոգ է տանում ու խոսք ունի ասելու Իր եկեղեցիներին, ինչպես ասաց Փոքր Ասիայի բոլոր յոթ եկեղեցիներին: Տերը այնտեղ ամեն մեկին առանձին հայտնում է Իր խոսքը՝ թե՛ խրատելու, թե՛ հորդորելու ու թե՛ հանդիմանելու նպատակով: (Հայտնության 2-4-րդ գլուխներ): Նա ուզում է հայտնել Իր խոսքը նաև ամեն մի քրիստոնյայի, եթե վերջինս փափագում է ու փնտրում: Դրա համար մենք պետք է ձգտենք ու փափագենք Աստծու հետ հաղորդակցվելուն, Նրա

Գրաքառ 2019թ., № 8 (114)

կենդանի Խոսքը լսելուն: Այս կապակցությամբ Ամբակում մարգարեն 2:1-ում ասում է. «Իմ պահպանութեանս տեղը պիտի կենամ, ու պարսպին վրայ պիտի կայնիմ, ու պիտի սպասեմ որ տեսնեմ թե ինձի հետ ինչ պիտի խօսի....»: Ինչպես տեսնում ենք, մարգարեն տեղից չի հեռանում, կանգնում է պարսպի վրա ու սպասում է, մինչև Տերը խոսի իր հետ ու պատասխանի իրեն, իսկ Երեմիա մարգարեն էլ իր Ողբի 2:18-19-ում ասում է. «....Ո՛վ Սիօնի աղջկան պարիսպը, ցորեկ ու գիշեր հեղեղի պես արցունք թափե, քեզի հանգիստ մի տար, աչքիդ բիբը չդադարի: Ելիր, գիշերով աղաղակե գիշերուան պահերուն սկիզբը, քու սիրտդ ջուրի պես թափե Տերոջը երեսին առջև, ձեռքերդ Անոր վերցուր քու տղոցդ հոգիներուն համար, որոնք ամեն փողոցներուն գլուխը անոթութենեն կը մարին»:

Այն ժամանակ Իսրայելը գերի էր քշվում դեպի Բաբելոն, և ժողովուրդը քաղցի ու ծարավի մեջ մարում էր: Իսկ այսօր մարդիկ ոչ թե ֆիզիկական, այլ հոգևոր գերության ու կռապաշտության մեջ են: Նրանք, հոգևոր կերակուր չստանալով, մարում են հոգևոր ծարավից ու քաղցից: Մենք պետք է աղաղակենք նրանց համար, հանգիստ չտանք մեր անձերին, ձեռքներս դեպի երկինք բարձրացնենք մեր երեխանե-

րի, մեր հարազատների, մեր բարեկամների ու մեր ազգի համար:

Ղուկաս 21:34-36-ում ասվում է. «Իսկ դուք զգուշացե՛ք ձեր անձերուն. չ'ըլլայ որ սիրտերնիդ կերուխումով ու գինովութիւնով և աշխարհային զբաղմունքներով ծանրանայ, ու յանկարծակի այն օրը ձեր վրայ հասնի, վասն զի բոլոր երկրի երեսը բնակողներուն ամենուն վրայ որոգայթի մը պես պիտի հասնի: Ուստի արթուն կեցե՛ք, ու ամեն ատեն աղօթք ըրե՛ք, որ արժանի ըլլաք այն բոլոր ըլլալու բաներէն ազատուելու և Որդւոյ Մարդոյ առջև կայնելու»:

Թանկագին եղբայրներ ու քույրեր, մեզ մոտ՝ Հայաստանում, այդ կապակցությամբ երբեմն-երբեմն հայտարարում ենք ծոմապահություն, երեք օր ծոմ ենք պահում, աղոթք ու աղաչանք բարձրացնում ամենակարող Աստծուն՝ մեր երեխաների, մեր ազգի, մեր եկեղեցիների ու մեր անհատական արթնության համար: Սիրելիներ, մենք հավատում ենք, որ Տերը պիտի լսի մեր աղոթքներն ու մեր աղաչանքները՝ փրկելու մեր ազգն ու մեր ժողովուրդը: Աղոթում ենք նաև բոլոր երկրների քրիստոնյաների համար, որոնք հալածվում են հանուն Քրիստոսի: Ցանկանում ենք, որ Աստված նրանց համբերություն ու զորություն տա՝ հավատարիմ մնալու Տիրոջը մինչև վերջ: Ամեն:

ՆԱԵՂԵԼ Է ԱՅՆՊԻՍԻՆ, ԻՆՉՊԻՍԻՆ ՀԻՄԱ ՄԵՆՔ ԵՆՔ


Նազույն մենաստաններից մեկի փլուզված դամբարանում գտել էին մարդկային մի գանգ, որի ներսում համարյա փտած մի գրություն կար: Գրությունը հաջողվեց կարդալ: Այնտեղ գրված էր. «Ես մի ժամանակ այնպիսին էի, ինչպիսին դու ես, բայց շուտով դու կդառնաս այնպիսին, ինչպիսին հիմա ես եմ»:

Երևի այս բանն ավելի վաղ հասկացած Ժողովողը այդ պատճառով է գրել. «Սուգի տուն երթալը կոչունքի տուն երթալէն աղէկ է. վասն զի ամէն մարդուն վախճանը այն է, ու կենդանի եղողը զանիկա իր սրտին մէջ կդնէ» (Ժող. 7:2):

Այն, որ բոլոր մարդիկ մահկանացու են, կասկածի ենթակա չէ, սակայն անհանգստանալու տեղիք է տալիս մահվանից հետո գալիքը. «...Եւ ինչպէս մարդոց սահմանուած է մէկ անգամ մեռնիլ, ու անկէ ետքը դատաստան» (Եբր. 9:27): Եվ այս բանի համար հիմնականում անհանգստացած են նրանք, ովքեր չեն ցանկանում դատվել: Մի աթեիստ ասում էր. «Եթե Աստված չկա, ապա փառք Աստծու, իսկ եթե Նա կա, ապա Աստված մի արասցե»:

Բայց Քրիստոսը մեռելներից հարություն առնողների առաջնեկն է: Նա երբևէ այնպիսին էր, ինչպիսին մենք

ենք, որպեսզի մենք մի օր լինենք այնպիսին, ինչպիսին Ինքն է:



«Բայց հիմա Քրիստոս մեռելներէն յարութիւն առած է, ննջեցեալներուն առաջին պտուղը: Քանզի որովհետև մարդով եղաւ մահը, մարդով ալ մեռելներու յարութիւնը: Վասն զի ինչպէս Ադամով ամէնը կը մեռնին, նոյնպէս ալ Քրիստոսով ամէնը կենդանի պիտի ըլլան» (Ա Կոր. 15:20-22): Այդ պատճառով «...իրարու հոգ տանինք՝ սիրոյ և բարեգործութեան գրգռելով» (Եբր. 10:24):

Վերջում մեջբերենք մի գերեզմանաքարի վրայի մակագրությունը. «Անցո՛րդ, դու գնում ես, սակայն մի օր կպառկես ինչպէս որ ես... Նստի՛ր իմ քարին ու հանգստացի՛ր, մտքերդ հավաքի՛ր ու գալիքիդ մասին մտածի՛ր... Ես տանն եմ, իսկ դու դեռ հյուր ես... մտածի՛ր քո մասին»:

© Գրապատ 2019թ., © N 8 (114)

ԻՄ ՀԱՅՐՆ ԱՆՊԱՅՄԱՆ ՊԱԼՈՒ Է ՄԵՐ ՀԵՏԵՎԻՑ

Հայրն ամեն օր որդու ձեռքը բռնած՝ նրան տանում էր դպրոց:
- Հայրի՛կ, դու ինձ ամեն օր բերում ես դպրոց, սակայն երբեք չես գալիս դպրոցից տուն տանելու, խոստացի՛ր, որ այսօր գալու ես իմ հետևից...



Հայրը, մեկ վայրկյան մտածելով, պատասխանում է.

- Խոսք եմ տալիս, տղա՛ս, այսօր ես եմ գալու քո հետևից, այսօր ես եմ քեզ տանելու տուն:

Այդ օրը 1988 թվականի դեկտեմբերի 7-ն էր: Երկրաշարժ:

Հայրը, որ այդ պահին գտնվում էր դրսում, կարողացավ խույս տալ աղետից, բայց նրան տանջում էր այն, ինչ տեսնում էր շուրջբոլորը... մահացած մարդիկ, փլատակների վերածված շենքեր ու հազարավոր մարդկանց

լացակումած աղաղակներ...

Բայց նրան տանջում էր նաև այն միտքը, որ տղան դպրոցում է, և ինքն էլ խոսք է տվել գնալ նրա հետևից:

Սարսափած այս ամենից՝ հայրը վազում է դեպի դպրոց. պետք է ամեն գնով փրկեր իր գավակին...

Հասնելով դպրոցի մոտ՝ տեսնում է հիմնովին քանդված, գետնին հավասարեցված քարակույտեր. դա դպրոցն էր: Արցունքներն սկսում են ավելի ու ավելի արագ հոսել աչքերից. «Ես պետք է գտնեմ տղայիս, ես նրան խոսք եմ տվել». կրկնում էր նա ու փնտրում մոտավոր այն վայրը, որը կարող էր իր տղայի դասարանը լինել: Նա բարձրանում էր այդ ավերակների վրա ու սկսում այս ու այն կողմ հրել քարաբեկորներն ու քանդված պատերը:

- Այդտեղ բոլորը մահացած են, ավելի լավ է եկե՛ք այստեղ, դեռ կենդանի մարդիկ կան, եկե՛ք նրանց փրկենք,- գոչում էին կողքի շինության վրա աշխատող փրկարարները:

- Ո՛չ, իմ տղան այստեղ է, նա կենդանի է...

Հայրը շարունակում էր փնտրել որդուն: Անցել էր մոտ 6 ժամ:

Հոր մատները ցրտից և փլատակների տեղաշարժելուց ամբողջությամբ արյունվա էին եղել, բայց նա չէր հանձնվում, նա ուներ նպատակ՝ պետք է որդուն փրկեր: Անցավ 12 ժամ, 24, 36...



Նա շարունակում էր փնտրել, երբ հանկարծ նկատեց մի փոքրիկ անցք:

- Արմա՛ն, Արմա՛ն,- գոչում էր նա ամբողջ ուժով:

Ու հանկարծ այդ մութ ու փոքր անցքից լսելի դարձավ որդու աղա-

ղակը.

- Հայրի՜կ, դու եկար...

- Արմա՛ն, դու ողջ ես, ինպե՞ս ես, տղա՛ս:

- Լավ եմ, հայրի՜կ, ես սոված եմ...

Դա դեպի նկուղ տանող անցք էր: Հայրը, փորձելով ավելի ու ավելի մեծացնել այն, մեկնում է ձեռքը.

- Արի՛, տղա՛ս, մենք տուն ենք գնում:

- Ո՛չ հայրիկ, սպասի՛ր, իմ ընկերներն էլ են այստեղ... Մենք սոված ենք... Այս ողջ ընթացքում ես նրանց հանգստացնում էի ու ասում. «Մի՛ անհանգստացեք, իմ հայրը գալու է իմ հետևից»:

Այսպիսին է մաս մեր Երկնային Հայրը, Նա անպայման գալու է մեր հետևից, պարզապես հավատացե՛ք ու երբեք մի՛ կորցրեք ձեր հույսն ու սրբությունը:

Ք *Խոնարհաբար աղոթի՛ր... դեռ որևէ մեկը ո՛չ չափից դուրս խոնարհվել է, ո՛չ էլ չափից դուրս աղոթել:*

Իվան Լևչուկ

Ք *Այն հավատացյալը, որն իր հոգին չի սնում Աստծու Խոսքով և Աստծու հետ չի շփվում Նրա ներկայության մեջ, դառնում է հանգամանքների գերի: Նրա մտածողությունը հիմնված է զգացմունքների վրա, և նա գործում է հանգամանքների ժամանակավոր ազդեցության մղումներով:*

Ջոն Մակ Արթուր

Ք *Հոգևոր մարդը պայքարում է ինքն իր հետ, որպեսզի սիրի ուրիշներին, իսկ մարմնավորը՝ ուրիշների հետ, որպեսզի իրեն սիրեն:*

Ք *Եթե ձեր և աշխարհի միջև տեսանելի տարբերություն չկա, հավատացա՛ժ եղեք՝ անտեսանելի նույնպես չկա:*

Չարլզ Սպերջեն

© Գրաքուս 2019թ., © N 8 (114)

ԴՈՒՔ ՍԽԱԼ ԽՈՍՔԵՐ ԷՒՔ ԱՍՈՒՄ ՀԱՎԱՏԱՐԻՄ ԱՍՏԾՈՒ ՄԱՍԻՆ

Այս դեպքը վաղուց է կատարվել, երբ երկաթուղին դեռևս այդքան տարածված չէր, որքան հիմա:

Փոստատար գնացքի ուղևորների թվում կար մի 80-ամյա ծերունի: Հայտնի չէ, թե այդ օրը ծերունու հետ ինչ էր կատարվել, սակայն նա պարսավում էր Աստծուն: Այդ խոսքերը բոլորի համար էին տհաճ, բայց ոչ ոք չէր համարձակվում խոսել նրա հետ: Վերջիվերջո, նրա կողքին նստած երիտասարդը թեքվում է դեպի ծերունին, ձեռքը դնում նրա ձեռքին ու ասում.

- Հարգելի՛ս, եթե կա մեկը, որին դուք շատ եք սիրում, ապա արդյոք ձեզ ցավ չէ՞ր պատճառի, եթե մեկ ուրիշը ձեր ներկայությամբ նրան վերագրեր աշխարհի ողջ չարիքը:

- Դե, իհարկե կպատճառեմ,- ասում է ծերունին:

- Դուք,- շարունակում է երիտասարդը,- հենց նոր խոսում էիք մեկի մասին, որին ես շատ եմ սիրում, այնպես որ մինչև հոգուս խորքը վիրավորեցիք ինձ: Դուք սխալ խոսքեր էիք ասում երկնքում ապրող հավատարիմ Աստծու մասին: Ես դեռևս երիտա-

սարդ եմ, բայց դուք մեկ ոտքով գերեզմանի մեջ եք: Պետք չէ՛ այդպես վարվել:

Այս խոսքից հետո նա գրպանից հանում է Աստվածաշունչը, դնում ծերունու ծնկներին ու ասում.

- Կարդացե՛ք Աստծու Խոսքը ու մտածե՛ք այն մասին, որ մարդը մի օր պետք է մեռնի, իսկ հետո դատաստան է լինելու:



Ծերունին ամոթից շիկնում է, հետաքրքրությամբ երիտասարդին նայում: Օրեր անց նա զղջում է ու ներում գտնում Նրա մոտ, Ում Անունը այն ժամանակ գնացքի մեջ անարգում էր:

Ալեքսեյ Պրոխորով

««Համեմունքներ» հոգևոր խոհանոցի համար»

գրքից

Չ Ա Յ Ր Ա Յ Ա Ծ Կ Ի Ն Ը

Մի տարեց կին շատ զայրացած էր Աստծու վրա: Նրա կյանքում ոչինչ չէր ստացվել այնպես, ինչպես ինքն էր ցանկացել. ամուսինը հարբեցող է, աղջիկը չի ամուսնանում, որդին աշխատանք չունի, ինքն էլ հիվանդ է... Եվ այդ կինը գնում է տաճար, որպեսզի վիճի Աստծու հետ: Աստծուն չի գտնում, դրա փոխարեն իր բողոքը հայտնում է քահանային:

- Իսկ դուք Աստծու ի՞նչն եք, հարցնում է քահանան կնոջը:

- Ի՞նչ իմաստով...

- Միգուցե դո՞ւստրն եք, մա՞յրը կամ քո՞ւյրը: Գուցե ձեզնից պարտքով փող է վերցրել ու չի՞ վերադարձնում: Կամ գուցե ձեր բնակարանի վարձակալն է եղել ու վարձը չի՞ տվել, կամ գուցե դուք Նրան որոշակի աշխատանքի համար վճարե՞լ եք և Նա Իր պարտականությունները չի՞ կատարել...

- Այդ ի՞նչ տարօրինակ հարցեր եք տալիս:

- Իմ հարցերը տարօրինակ չեն: Այ, ձեր պահանջները տարօրինակ են: Իմիջիայլոց, փորձե՞լ եք ձեր խնդիրների հարցով բողոքել ԱՄՆ նախագահ Թրամփին:

- Ինչի՞ց ելնելով պետք է բողոքեմ նրան...

- Ելնելով այն նույն հիմքից, ինչի հիման վրա բողոքում եք Աստծուն:

Մենք Աստծուն կոչում ենք Երկնային Թագավոր, իսկ եթե թագավոր, ապա ուրեմն թագավորություն էլ կա: Դուք ո՞ր երկրում եք ապրում՝ երկնայի՞ն, թե՞ երկրային:

- Իհարկե երկրային:

- Ուրեմն, որպեսզի հավակնեք ձեր կյանքում Աստծու միջամտությանը, պետք է լինեք Նրա պետության քաղաքացին՝ ապրեք Նրա թագավորությունում, այսինքն՝ լինեք եկեղեցում, գիտենաք ու կատարեք Նրա օրենքները և վճարեք հարկերը:

- Հարկե՞րը:

- Այո՛, հարկերը պետք է վճարել Երկնային Արքայության տարադրամով՝ ժամանակով, աղոթքով, Սուրբ Գրքի ընթերցանությամբ: Ի դեպ, եթե դուք ճշմարտապես զոջաք, կունենաք կենդանի հավատք, և արդեն այդ ամենն անելը ձեզ համար շատ հեշտ կլինի: Եվ երբ դա տեղի ունենա, հավատացած եմ, որ ձեզ Աստծու հետ խոսելու համար այստեղ գալու կարիք չի լինի, համոզված եմ, որ այդ ժամանակ Նա Ինքը կխոսի ձեզ հետ և կտա ձեր հարցերի պատասխանները:



© Գրական 2019թ., © Մ 8 (114)

ԱՆՀԱՎԱՏ ԴԵՂԱԳԵՏԻ ԱՊԱՇԽԱՐՈՒԹՅՈՒՆԸ

*«Եւ կանչիր ինձ նեղութեան օրումը. եւ ես կազատեմ քեզ, եւ դու
կփառաբանես ինձ»: Սաղմոս 50.15*

Մի հավատացյալ երիտասարդ ընկերանում է անհավատ դեղագետի հետ ու հրավիրում իր տանը ճաշելու: Երկար զրուցելուց հետո նա ընկերոջն առաջարկում է վերցնել թերթիկների վրա գրված Աստծու Խոսքից մի համար՝ մշտական իր մոտ պահելու համար: Անհավատ երիտասարդը հազիվ է համաձայնում, բայց չի մերժում ընկերոջը: Նա պատահական մի համար է վերցնում, որի վրա գրված է լինում. **«Եւ կանչիր ինձ նեղութեան օրումը. և ես կազատեմ քեզ, եւ դու կփառաբանես ինձ»:** Երիտասարդը ծիծաղում է ու ասում. «Այդ ի՞նչ նեղություն պիտի պատահի ինձ, որ ես Աստծուն կանչեմ»:

Խոսքերն ասելուց հետո աստվածաշնչյան համարը դնում է իր ծոցագրպանը և հեռանում:

Մի օր ուշ երեկոյան դեղատուն է գալիս մի աղջնակ ու դեղ գնում իր մայրիկի համար, որ համարյա արդեն մահացու վիճակում էր: Դեղագետը տալիս է դեղամիջոցը, և աղջիկը հեռանում է: Հանկարծ նա աչքը զգում է աղջկա տված դեղատոմսին ու տես-

նում, որ փոխանակ համապատասխան դեղը տալու, տվել էր ամենաբարձր դեղաչափով ուրիշ դեղամիջոց: Նա սարսափում է, քանի որ գիտեր՝ բույսերն անց նրա մայրը պիտի մահանար: Ամմիջապես դուրս է վազում դեղատնից ու տեսնում, որ ոչ ոք չկա. աղջիկն արդեն գնացել էր, իսկ դրսում արդեն մութ էր: Ներս է գալիս ու տագնապած պտտվում: Հանկարծ հիշում է աստվածաշնչյան այն խոսքը, որ վերցրել էր ընկերոջ տնից, հանում է այն ծոցագրպանից և ասում. «Աստվա՛ծ, մինչև հիմա Քեզ չեմ հավատացել, բայց եթե Դու հրաշք գործես, և այդ դեղը չհասնի այդ կնոջը, ես խոստանում եմ, որ ամբողջ կյանքում Քեզ կծառայեմ»: Աղոթելուց հետո խաղաղվում է ու սպասում, որ ինչ-որ բան կփոխվի: Դեռ մեկ ժամ չանցած՝ կրկին դեղատուն է գալիս նույն աղջիկը և ասում. «Պարո՛ն, վազելիս ընկա, դեղի սրվակը կոտրվեց, ինձ նորը կտա՞ք»: Դեղագետն այլևս չէր լսում աղջկա խոսքերը, աչքերը երկինք հառած՝ փառք էր տալիս Աստծուն:

ԽՐԱՏՆԵՐ ՈՒ ՀՈՐԴՈՐՆԵՐ ՀԱՎԱՏԱՑՅԱԼ ԾՆՈՂՆԵՐԻՆ

Պ Եթե դուք ձեր զավակներին չսովորեցնեք վախենալ Աստծուց, սատանան նրանց կսովորեցնի մերժել Աստծուն և ատել Նրան:

Պ Եթե դուք ձեր զավակներին չսովորեցնեք կառավարել իրենց բանականությունը, սատանան անպայման կսովորեցնի նրանց մտածել ամեն բանի մասին:

Պ Եթե դուք ձեր զավակներին չսովորեցնեք հնազանդ լինել ծնողներին, սատանան նրանց կսովորեցնի լինել ընթոստ, ինչն էլ կփշրի ձեր սրտերը:

Պ Եթե դուք ձեր զավակներին չսովորեցնեք ընկերների ընտրության հարցում լինել բժախնդիր, սատանան հաճույքով նրանց կառաջարկի իր ընկերներին:

Պ Եթե դուք ձեր զավակներին չսովորեցնեք վերահսկել իրենց մարմինները, սատանան նրանց կսովորեցնի այն դարձնել տոփանքի գործիք:

Պ Եթե դուք ձեր զավակներին չսովորեցնեք սիրել իրենց ապագա կանանց կամ ամուսիններին, սատանան նրանց կսովորեցնի քայքայել ընտանիքը և դավաճանել:

Պ Եթե դուք ձեր զավակներին չսովորեցնեք հսկել իրենց շրթունքները, սատանան նրանց շրթունքներին կդնի զրպարտություններ, ստություններ և պղծություններ:

Պ Եթե դուք ձեր զավակներին չսովորեցնեք ջանասիրաբար աշխատել, սատանան նրանց կսովորեցնի լինել ծույլ և անպիտան:

Պ Եթե դուք ձեր զավակներին չսովորեցնեք ճիշտ վարվել իրենց վաստակած գումարի հետ, սատանան նրանց կսովորեցնի լինել վատնող և պարտքեր կուտակել:

Պ Եթե դուք ձեր զավակներին չսովորեցնեք սիրել իրենց մերձավորներին, սատանան նրանց կսիրահարեցնի իրեն:

Ջոն Մակ Արթուր

© Գրաքառ 2019թ., № 8 (114)

ԱՌԱՆՆԱԽԱՆՁԻ ՈՒ ՉԱՐՈՒԹՅԱՆ ՄԱՍԻՆ

Մարտական արվեստի ծեր վարպետը որոշում է այլևս երբեք չմարտնչել: Բայց մի օր նրան մարտի է հրավիրում մի ինքնավստահ երիտասարդ մարտիկ, որը համարում էր, որ ինքն ավելի փորձառու և ուժեղ է, քան ուսուցիչը:

Սակայն վարպետը պարզապես նստում է և ոչ մի կերպ չի արձագանքում հպարտ երիտասարդի մարտահրավերին:

Այդժամ տղան սկսում է վիրավորել նրան, որպեսզի կարողանա հունից հանել, բայց դա էլ չի օգնում: Վերջիվերջո, նա հույսը կորցնում է ու հեռանում:

Աշակերտները, որ լուռ հետևում էին իրենց ուսուցչի պատասխանին, զարմանում են իրենց ուսուցչի արձագանքի վրա ու քննադատում նրան:

- Մի՞թե ձեզ համար թանկ չէ ձեր պատիվը:

Այդժամ իմաստուն ուսուցիչը պատասխանում է.

- Երբ ձեզ նվեր են տալիս, և դուք այն չեք ընդունում, ապա այդժամ ո՞ւմ է պատկանում այդ նվերը:

- Իհարկե նրան, ով նվիրում է:

- Նույնը նախանձի, չարության ու ատելության դեպքում է կատարվում: Եթե մենք դրանք չենք ընդունում, ապա դրանք պատկանում են տվողին:

Եթե հնչի փողը վերջին,
Ի՞նչ կանես դու այդ ժամանակ,
Կուրախանա՞ս, թե՞ կզղջաս,
Քո գործերով կարդարանա՞ս:

Եթե հնչի փողը վերջին,
Կշփոթվե՞ս, կզայրանա՞ս,
Երբ որ Տերը քեզ հարցնի.
«Ինչո՞ւ կյանքդ եղավ ունայն»:

Օրերը քո անց են կենում,
Իսկ եթե դու չհասցնե՞ս,

Վերջին փողին դու չհասնե՞ս...
Կյանքդ կարճ է, ո՛վ դու պանդուխտ,
Աչքդ թարթես՝ էլ այստեղ չես:

Դու Հիսուսի ժառանգորդն ես,
Չարի մտքին էլ մի՛ խաբվիր,
Քո սիրելին երկնքում է,
Նրա խոսքը բաց մի՛ թողնիր:

Վերա քույր, Իջևան

ՔՐԻՍՏՈՆԵԱԿԱՆ ԿՅԱՆ ՔԻ ՄԱՍԻՆ

(մեջբերումներ հայտնի քրիստոնյա
հեղինակներից)

Ինչպես ցանկացած մարդու,
նույնպես և քրիստոնյայի կյանքում
լինում են տարբեր շրջաններ:
Ինչպե՞ս ապրել քրիստոնեական
կյանքը՝ հավատարիմ մնալով
քրիստոնյա լինելու կոչմանը և
ինչպե՞ս որոշել, թե ո՞ր ես հասել քո
ուրույն ընթացքի մեջ:



Ներկայացնում ենք մեջբերումներ հայտնի քրիստոնյա հեղինակներից.

✚ Կյանքում լինում են տարբեր շրջաններ, մարդու տրամադրությունը
փոխվում է: Փոխվում է նաև ինքը՝ մարդը: Ամեն աղոթող պետք է գտնի իր ռիթմը
և միջոցը՝ սեր ու ուշադրություն նվիրելու Նրան, Ով արարել է մեզ և Ով պահում
է մեզ Իր ձեռքերում:

Ֆիլիպ Յանսի

✚ Սենք բոլորս ապրում ենք հանուն մի բանի և հնազանդվում մեր կյանքի
ճշմարիտ տիրոջը: Եթե այդ տերը Աստված չէ, ապա ձեզ սպասում է
հավիտենական ստրկություն:

Թիմ Բելլեր

✚ Երբ վախը սահմանում է մեր կյանքը, մեր «աստվածը» դառնում է պաշտ-
պանվածությունը: Երբ մեր «աստվածը» դառնում է պաշտպանվածությունը, մենք
դառնում ենք հանգիստ կյանքի երկրպագու: Կարո՞ղ է արդյոք հանգիստ կյանք
սիրողը մեծ մի բան կատարել: Ունա՞կ է արդյոք զգուշությունը ազնվաբարո
վարմունքի: Հանուն Աստծո՞ւ: Հանուն մարդկա՞նց...

Մաքս Լուկադո

✚ Աղոթքը սուրբ վայր է, սուրբ հող, որտեղ բնակվում է Աստված: Այնտեղ

© ցուպուս 2019թ., № 8 (114)

է Նա սպասում մարդուն, այնտեղ է Նա խոսելու Նրա հետ:

Անրի Կաֆարել

Պ Մի՛ փորձեք անել ամեն բան. արեք այն, ինչի մեջ Աստված կանչել է ձեզ:

Անհայտ հեղինակ

Պ Մի աղոթեք՝ ունենալու համար խնդիրներ, որոնք կհամապատասխանեն ձեր հնարավորություններին: Աղոթեք հնարավորությունների համար, որոնք կհամապատասխանեն ձեր խնդիրներին: Այդժամ ձեր աշխատանքը հրաշք չի թվա, հրաշքը կլինեք դուք ինքներդ:

Ֆիլիպս Բրուքս

Պ Եզրիպտոսի անկումը սկսվեց այն ժամանակ, երբ Աստծու ժողովուրդը հեռացավ այնտեղից:

Միխայիլ Չերենկով

Պ Համաձայն Աստծու Արքայության օրենքների՝ մարդը իջնում է վշտի ձոր, նախքան կբարձրանա հոգևոր գործության սարը... Մարդը պետք է հասնի իր սեփական ուժերի սահմանագծին, նախքան կսկսի ճշմարտապես ապրել:

Բիլլի Գրեհեմ

Պ Եթե Աստծու շնորհը չառաջնորդեր մարդուն, նա կմոլորվեր, անգամ եթե Երկնքի ճանապարհին լինեին բազում ճանապարհային ուղեցույցներ»:

Չարլզ Սպերջեն

Պ Երբ չունենք ոչինչ և ոչ մեկին՝ Աստծուց զատ, Նա Ինքը միայն բավական կլինի:

Անհայտ հեղինակ

Պ Քայլեք Աստծու լույսի մեջ, որպեսզի ձեր ստվերը հաճելի լինի:

Անհայտ հեղինակ



ՄԻՐԵԼԻ ԸՆԹԵՐՑՈՂՆԵՐ

Աստված սիրում է ձեզ և ուզում է, որ դուք հավատաք Իրեն ու վերկայեցիք ունենաք: Այդ մասին Հովհաննու 3:16-ում կարդում ենք. «Որովհետև Աստված այնպես սիրեց աշխարհը, որ Իր միածին

Որդուն տվեց, որ ով Նրան հավատա՝ չկորչի, այլ հավիտենական կյանք ունենա»:

Եթե դուք ուզում եք արվելիմ լսել ու իմանալ Աստծու և Նրա Խոսքի մասին, կարող եք դիմել հետևյալ հեռախոսահամարներով:

Երևան		
Ազան	093-53-25-26	Ամիրբեկյան Հրահատ
Զեյթուն	055-66-82-06, 099-66-82-06	Այդինյան Լևոն
Էրեբունի	093-53-43-68	Բարսեղյան Մնացական
Կենտրոն	093-53-25-26	Ամիրբեկյան Հրահատ
Կոմիտաս	093-26-20-72	Ալավերդյան Սարգիս
ՀԱՌ (Բանգլադեշ)	094-65-70-43	Սահակյան Վարդան
Նորքի զանգված	099-87-38-88, 077-87-38-80	Ղազարյան Սիսակ
Նորքի զանգված	091-16-49-45	Անտոնյան Արթուր
Շենգավիթ, Զարբախ	077-55-57-55	Ամիրջանյան Արմեն
Աջափնյակ	093-83-71-31	Վարդանյան Անդրանիկ
Քանաքեռ	093-53-25-26	Ամիրբեկյան Հրահատ
Յ-րդ մաս	093-83-71-31	Վարդանյան Անդրանիկ
Շրջաններ		
Արուլյան	094-34-75-91	Զարարյան Սամվել
Ալավերդի	094-30-80-40	Գավոյան Վալերի
Աշտարակ	098-01-72-60	Մկրտչյան Անդրանիկ
Ապարան	093-77-06-70, 091-77-06-70	Գասպարյան Միշա
Արարատ	094-20-60-36	Ներսիսյան Նորիկ
Արթիկ	077-70-28-38	Փիլոյան Պողոս
Արմավիր	077-84-45-05	Այվազյան Վազգեն
Արտաշատ	093-72-48-88	Համբարձումյան Վաչագան
Արտաշատ (գյուղերը)	093-83-71-31	Վարդանյան Անդրանիկ
Արտաշատ (Ազատավան)	098-46-12-61	Ստյոպա, 094-68-67-68 Արմեն
Գավառ	093-68-84-92	Մանուկյան Վարուժան
Դիլիջան	093-18-77-33	Սահակյան Սասուն
Եղեգնաձոր	077-40-26-24	Մարտիրոսյան Արզուման
Զանգեզուր	094-00-94-08	Մարդյան Մինր
Էջմիածին	093-88-68-74	Հովակիմյան Ռոբերտ
Հրազդան	094-22-33-15	Օհանյան Աշոտ
Դարաբադ	094-00-94-08	Մարդյան Մինր
Կամրաքակ(Կարմիր)	093-73-31-73	Հարությունյան Սուրեն
Մասիս	091-71-62-64, 093-71-62-64	Հարությունյան Մելսիկ
Մարտունի	093-86-30-13	Արշակյան Մելիք
Նոյեմբերյան	094-92-01-90	Նավասարդյան Ռոբերտ
Շիրակի մարզ	099-30-79-69	Դարմանյան Գրիշա
Զարենցավան	093-28-64-13	Հայրապետյան Գևորգ
Սպիտակ	094-92-00-03	Խաչատրյան Արտակ
Սևան	093-48-76-43	Նադարյան Ալբերտ
Վանաձոր	094-92-00-03	Խաչատրյան Արտակ
Վանաձոր	093-08-71-29	Նազարյան Ավետիք
Վարդենիս	094-91-44-80	Նշանյան Տոյիկ
Վեդի	094-03-26-16	Աղաբեկյան Գառնիկ (Ռոբերտ)
Տաշիր	093-09-84-33	Սուքիասյան Նորիկ
Տավուշ	093-43-72-33	Օհանյան Արթուր

ԼՅՎԱԾ ԵՍ ՍՈՒՐԲ ՀՈԳՈՎ

Եւ մի գինովնաք գինիով, որուն մէջ անառակութիւն կայ, հապա
Հոգիով լեցունեցէք:

Եփես. 5:18

Ուստի եթէ դուք որ չար էք՝ ձեր զաւակներուն աղէկ ընծաներ տալ
գիտէք, ո՞րչափ աւելի ձեր Հայրը երկինքէն Սուրբ Հոգին պիտի տայ
անոնց որ իրմէ կը խնդրեն:

Ղուկաս 11:13

Եւ Աստուծոյ Սուրբ Հոգին մի տրտմեցնէք, որով դուք կնքուեցաք
փրկութեան օրուանը համար:

Եփես. 4:30

Սուրբ Հոգին մի մարէք:

Ա Թեսաղ. 5:19

Ու երբ անոնք աղօթք ըրին, շարժեցաւ այն տեղը՝ ուր ժողովուած
էին, և ամենը Հոգով Սրբով լեցունեցան, ու Աստուծոյ խօսքը
համարձակ կը խօսէին:

Գործք 4:1

Եւ մենք այս բաներուն համար անոր վկաներ ենք, ու Սուրբ Հոգին
ալ՝ զոր Աստուած իրեն հնազանդ եղողներուն տուաւ:

Գործք 5:32